

STEMMA  
 BVZICO-SAXONICVM,  
SIVE  
 SERENISSIMA AC POTENTISSIMA  
 SAXONIÆ DVCVM  
 HODIERNORVM  
 FAMILIA

EX MEDIO SECVLI X.

SIVE

AB EIVSDEM SATORE,  
 THIDERICO DVCE SAXONIÆ

VSQVE AD

FRIDERICVM BELlicosvm ELECTOREM SAXONIÆ

V. N. A.

CVM SINGVLIS CVIVSQVE EORVM GENVINIS

CHARACTERIBVS VEL TITVLIS

EX DIPLOMATIBVS PROLATA

EQVE

RECENTIORVM SCRIPTORVM CONFVSIONE

VINDICATA

PER

FRIDERICVM ZOLLMANNVM

SAXON. ET IVR. C.

LIPSIAE ET IENÆ

LITTERIS PETRI FICKELSCHERRII.

1721.

28.



POTENTISSIMAE  
A T Q V E  
SERENISSIMAE  
DOMVI SAXO-  
NICAE  
SACRVM.

TABVLA

n.	n. 10.) Gero, Comes de Brene.	n. 11.) Conradus, Comes.	n. 12.) Riddagus.
n.	n. 10.) Tidericus, Comes de Saxonia.	n. 10.) Wilhelmus, Comes de Camburg.	n. 10.) Guntherus, Episc. Zicensis.
n. 2	n. 18.) Henricus † 1181. Comes de VVetbin.	n. 19.) Fridericus † 1181. Comes de Brene.	
	n. 18.) Ulricus † 1206. Comes de VVetbin.	n. 19.) Otto † 1293. Comes de Brene.	n. 19.) Fridericus † 1221. Comes de Brene.
	n. 18.) Henricus † 1217. Comes de VVetbin, nls. stirp. sua.	n. 19.) Otto Com. de Brene.	n. 19.) Theodericus Comes de Brene.
n. 25.)			n. 19.) Conradus, Comes de Brene.
			n. 19.) Otto † 1290. Comes de Brene, nls. stirp. sua.
n. 28.)			
n. 23.)			
n. 34.)			
n. 38.)	n. 37.) Wilhelmus † 1407. Landgr. Thir. M. M. Gt.		
	Lam post CTC xonia Fami ni po stros		





Serenissimos Principes nostros, *Duces Saxonia*, originem suam trahere ex illa familia, quæ apud *Ditmarum Episcopum Merseburgensem* in Chronico suo, (circa finem Seculi X. scripto de Imperatoribus primis Germanicis vel Saxonis) *Tribus Buzici* dicitur, jam alii viderunt; quæ autem *Tribus* illa *Buzici* fuerit, & quis in ista celeberrimus ille *Thiedricus*, paterque *Deodonis Merseburgensis Comitis*, adhuc in quæstione positum est. At deficientibus in hac nobilissima historiæ Saxonice materia rivulis, nihil aliud opus est erga Serenissimam gentem Saxoniam devotione ardentibus, genuinamque veritatem sitientibus, quam ut ipsos historiæ illius fontes primos quærant, ac inde suæ cupidini satisficiant. Ex *Witichindi Annalibus*, ex *Ditmaro* jam laudato, ex autore *Chronici Montis Sereni* s. *Lauterbergici*, atque variis diplomatibus veritas hauriri potest ac debet. Hinc clare liquet, *Thiedricum* illum fuisse *Saxonica gentis clarissimæ Ducem*; *Tribum Buzici* etiam illius *Thiedrici castro Budzico* nomen, originem vero suam *Thiedrico* eidem debere. Primam thesin absque longiore digressionem statim probabo; idque ex verbis cujusdam epistolæ Imperatoris *Otonis I.* apud *Witichindum Lib. II. Annal. p. 661. edit. Meibomiana*, in Tomo I. *Script. Germ.* Data est hæc epistola in Italia, ac quidem in *Campania juxta Capuam XV. Kal. Febr. anno 968. ad Duces & Præfectos Saxon.* (ut *Witichindus* explicat) ita incipiens: *Otto divino nutu Imperator Augustus Herimanno & Thiedrico Ducibus, cæterisque publica rei nostræ præ-*

*Etis omnia amabilia &c.* Conf. Meibomii not. ad Witichind. p. 701. T. I. & Sigonius Lib. VII. de regno Italiae p. 173. Hic expresse noster Theodericus Dux dicitur, & quidem, quod bene notandum, ab ipso Ottone I. Imperatore, ut eo minus de illius dignitate dubitari possit. Saxoniae autem Ducem fuisse, perinde, ut Hermannus Billungus, id nos docet VVitichindus iste historicus coævus ac Saxonicus, omni exceptione major, verbis jam adductis. Idem patet ex Ditmaro, qui in Chronico suo Lib. II. p. 21. de exercitu Saxonico, qui a. 953. ad adjuvandum Ottonem I. Imp. contra filium Ludolphum proficiscebatur, ita loquitur: *Thiedricum insuper Ducem ac Wigmannum Comitum in praesidium ad Moguntiam denuo possidendam arma commoventes, patre se subsequente, pecunia per legatos amovere tentans; Thiedrico nequaquam aspirante, Wigmannum blanditiis delinitum celeriter corruptit.* Nec quicquam facit, quod noster Theodericus interdum Comitum nomine insigniatur; id enim frequentissimum illis temporibus erat, quod Duces etiam Comites dicerentur, licet ab his maxime differrent. Hinc non mirandum, quod in diplomate Ottonis I. Imp. dato a. 966. IX. Kal. Maj. Quedlinburgi, cuidam Comiti Mamaconi, inveniatur: *Theodericus Comes noster fidelis &c.* item *Theodericus Comes &c.* vid. Meibomium Tom. I. Script. German. p. 750. Plura ejusmodi exempla proferri, si requireretur de aliis Ducibus, facili negotio possent. Hic igitur Theodericus Dux Saxoniae fuit ille pater Dedonis Comitum; id enim non solum temporis ratio postulat, verum etiam reliquae circumstantiae requirunt: Inter causas enim intumescantiae Dedonis Comitum filii Theoderici refert Ditmarus Lib. VI. p. 151. seq. magnas natalitias origines ac familiam; Appendix Chronici Montis - sereni p. 201. edit. Mader. dicit, in diebus primi Ottonis Imperatoris fuisse quendam Tidericum egregia libertatis virum, qui genuisset duos filios Dedonem & Fridericum Comites &c. Haec satis Theoderici nostri dignitates Ducales confirmant. Sic Theodericus Dux mortuus est circa annum 975. postea enim nihil de eo invenietur, nisi quis eum cum Theoderico Marchione ex oriente (ut Ditmarus Lib. IV. p. 64. cum appellat) qui post annum 1013. secundum Helmoldi Chronicon Slavor. mortuus est, confundere, sicque adversus chronologiam sentire velit. Ex hoc emortuali anno

Ducis videmus, cur *Dedo* filius ab infantia serviit agnato suo *Rigdago Marchioni* (ut *Ditmarus* l. c. habet) quia scilicet *Dedo* Comes mox patrem *Theodericum* amiserit. In eo etiam consentiunt circumstantiæ, quod *Theodericus Dux Sax.* æque, ac noster *Theodericus*, nostraque familia *Budsecia* habuerit terras ac Comitatum suum in pago *Saxonico*, v. diploma sive bullam *Papæ Leonis IX. a. 1048. datam monasterio Nienburgensi, & bullam Lucii Papæ d. a. 1144. apud Becmannum in Hist. Anhalt.* vel in illa parte Saxonix, quæ *Northuringia* dicebatur, ubi nunc *Magdeburgum*, terra *Anhaltina*, finesque *Sala* sunt. Probant id duo diplomata *Imp. Ottonis I.* alterum apud *Dn. Leuckfeldium in Antiquit. Gandersb. p. 100. d. d. XI. Kal. Maj. a. 956. in VVerlahu; datum cœnobio Gandersheimensi*, ubi sequentia leguntur: *In pago Northuringia dicto, in Comitatu Theoderici, in loco, qui dicitur VVanzleba &c.* Alterum habet *Meibomius in Tomo II. Script. German. p. 495. in Syntagmate Bodonis de constructione cœnobii Gandesiani, datum a. 975. III. Non. Novembr. Palatbe*, ibi est: *In pago Notoringia in Comitatu Theoderici in loco VVetzeleve nuncupato &c.* Familiæ etiam *Budsecia* ibidem pertinebant castrum *Budizco, Zorbica*, aliaque, ut ex sequentibus patebit. Hæc de *Theoderico* nostro.

Nunc de originibus *Familia Buzici* agam: *Budizco, Budizico, Budzico & Buzici* eadem sunt, nec differunt a se, perinde, ut in aliis nominibus Slavici sit, e.g. Pagus *Nudzichi* etiam *Nudiczi, Nufidici, Nudifci* dicitur, de quo *Iunckerns in Geographia sua media ætatis p. 265.* conferri potest; ut de pluribus exemplis taceam. Ex diplomatibus *Nienburgensis monasterii* ad *Salam* fluvium intra *Bernburgum* siti, d. a. 983. & a. 1022. ap. *Cbr. Knauthium in Tr. vocato: Gründliche Vorstellung etlicher in Beckmanns Anbältl. Historie befindlichen Irrthümer, p. 14. & 16.* patet, fuisse *Budizico* nomen Slavicum castelli cujusdam, quod Teutonice *Grimersleve* vel *Grimsleben* dictum, cæterum in ripa *Salæ* fluvii ex adverso castri antiquissimi *Northringen*, infra *Bernburgensem civitatem*, ubi *Buda* Harzicum flumen cum *Sala* se conjungit, ubi etiam a. 1644. durante bello tricennali Germanico castra exercitus Suecorum metabatur contra Cæsareos in altera ripa constitutos, situm erat. Sciendum autem *Budzico* lingua Slavonica vel Venedorum, locum & castellum limitaneum significare, v.

*Frencelii Nomenclat. utriusque Lusatia* ; hinc suspicari licet, nomen Teutonicum *Grimsleben* corruptum esse ex *Gränzleben*, locum limitaneum indicante. Videtur quoque, fluvium *Bude* hinc suam appellationem accepisse, ita, ut sit aqua in finibus vel limitibus contra Luiticios vel Slavos, fluens. Certe ab hoc castello *Budzico* nomen accepit *Tribus Buzici*, ut dicitur a *Ditmaro historico* familia *Theoderici Ducis*. Jam enim incipiebant Comites aliique nobiliores personæ a locis, ubi plerumque commorabantur, dici ; sic *Sifridum & Bionem Comites Merseburgenses*, ac *Brunonem Comitem Harneburgensem* apud eundem *Ditmarum*, paulo post autem a. 1037. *Popponem Comitem de Henneberg testem in diplomate Gerhardi Episc. Heribopol. dato Ecclesia in Oeringen ap. Dn. Lunigium Archiv. Imp. Part. Spec. invenimus*. In *Theoderico etiam Duce Saxonie* familiæ suæ nomen *Buzici* tributum esse arbitror, eam ob causam potissimum, ut discerneretur ab illa gente, quæ in iisdem partibus ac regione erat celebris *Marchionum Luscensium, Osterburgensis* familia dicta, cujus factor erat *Ditmarus Marchio* qui non solum agnatus, verum etiam frater *Theoderici Ducis* ob patrem *Christianum March.* videtur, ita tamen, ut ex alia matre natus fuerit. Hinc videmus, quod *Gero Archi-Episcopus Coloniensis & Ditmarus Marchio Lusit.* ubique non solum fratres, sed etiam fratres germani, scil. ex matre *Hidda* sorore *Geronis Ducis ac March.* in diplomatibus vocantur, scilicet, ut sic distinguantur a fratribus consanguineis ; vide *Geronis Archi-Ep. Colon. & Ditmari Marchionis fratrum germanorum diploma datum Hagengradensi cœnobio IV. Cal. Sept. a. 970. ap. Becmannum hist. Anhalt. III. IV. 1. item diplomata Nienburgensis monasterii ab Ottone II. Imp. IV. Cal. Jul. a. 975. Magdeburgi ; & XI. Cal. Maj. a. 978. Alstedii data ; loc. cit. Diplomata ab Henrico II. Imp. XI. Cal. April. a. 1003. Magdeburgi, & ab Henrico III. Imp. XI. Cal. Aug. a. 1041. Tullide data ; ap. Becmannum l. c. Conferri potest quoque *Chronicon Montis Saceri a. 1171.* Confirmat eandem cognationem, quod utrarumque familiarum terræ prorsus commixtæ essent, quodque *Ditmarus historicus Lib. VI. p. 152.* scribat *Theoderici Ducis filium Dedonem Zurbizi Burgwardum, quem antecessores sui in beneficium possedissent, sibi & confratri suimet Friderico vindicasse.* Nam sciendum*



dum est *Zorbecam*, antequam illam sibi propriam vindicaret *Dedo*, fuisse pertinentiam Feudi Imperialis ac castelli *Budfci*, quod ex diplomate *Ottonis II. Imp.* videmus, dato *Nienburgensibus monachis V. Non. Maj. a. 980. in Thornburg*, ubi pertinentiæ illius castelli *Budfci* designantur, & duæ *Zorbeca* reperiuntur, vicus ac burgwardus scilicet; Extat diploma alleg. in *Hist. Anbalt. Becmanni III. IV. 2.* Castellum autem *Budfco* cum *Zorbeca* antea habuit *Theodericus Dux* pater *Dedonis*, quippe a quo ipsius stemmati nomen *Buzici* tributum; ante *Theodericum* vero dictum castellum habuit *Christianus Marchio* quidam, ut patet ex diplomate *Ottonis I. Imp. dato Archiepiscopatu Magdeburg. XI. Cal. a. 937. ap. Meibomium, Tom. I. Script. German. p. 741. ubi: In Comitatu Christiani in Grimbecesleba &c.* *Budfco* autem & *Grimsleben* idem est, ut supra ostendimus; Igitur *Christianus* æque ac *Theodericus* fuerunt antecessores illi, qui castelli *Budfci* beneficium sive feudum possederunt, quod *Dedo proprium* sibi vendicavit. Notandum vero hos non simplices, sed consanguineos antecessores vel progenitores fuisse, cum jure consanguinitatis *Dedo* non solum sibi, sed etiam fratri *Friderico* vendicaverit feudum *Zorbeca* burgwardii, dum post mortem patris illorum *Theoderici* castellum *Budfco* & reliquæ pertinentiæ ceu mera Imperii feuda per donationem Imperatoris *Ottonis II.* ad monasterium *Nienburgense* venissent: Idem enim jus habebat *Fridericus* frater ac *Dedo* ex sanguine. Nec dubium est de *Zorbeca*, in loco *Ditmari* allegato, quod non fuerit nostra, quæ pertinuit ad castellum *Budfco*; nam posthac in diplomatibus *Nienburgensibus* non nisi unam *Zorbecam* scil. villam, non vero burgwardum invenimus inter appertinentias *Budfci*, monachis attributas. Probat id *Bulla confirmationis* quadam *Lucii Pontific. Rom. super bona monasterii Nienburgensis, ipsi data a. 1144. ubi in recensione bonorum istius non nisi una Zorbeca existit, ap. Becmann. l. c. p. 442. Idem fit in Bulla Innocentii Pont. Rom. data eidem cænobio a. 1216. Perusii II. Non. Junii &c. cujus verba maxime huc facientia ex Becmanno, qui l. c. p. 443. istam totam bullam habet, afferam: Ex dono Ottonis II. Imperatoris, Hazekentorbe villam & forum in ea cum omnibus pertinentiis suis; Burgwardum dictum Grimesleve cum villis suis Nikatbize, Minuwize, Prutbou-*

thouwe, Prezberici, Popuwize, Zlubube, Pazluuize, Heitbersdorp, Latendorp, Burchardesdorp, Lieverickesdorp, Zrububec (antecedens Bulla rectius habet Zorbuech) Moluwichi, Callendborp, VVitigizti, item VVitigizti, Cossuwize, Molize, VWilckinize, Prebersdorp, Izerizicke, Pitnie, Catue, Bruslize, Plotbunize, Zabucuze. Confirmant hanc de consanguinitate Theoderici Ducis Sax. & Ditmari Marchionis Luficensis opinionem successiones Familia Budfca in Comitatu Merseburgensi & Marchia Luficensi, quæ antea habuerat Familia Ditmari Marchionis. Comitatum enim Merseburgensem, quem Sigfridus & Gero fratres Hiddæ, matris Ditmari March. gubernaverant, accepit Dedo I. filius Theoderici Duc. Sax. ut ex Ditmari historici Chronico Lib. VI. p. 152. liquet. Marchiam vero Luficensem post mortem Odonis (qui nepos Ditmari March. erat) adeptus est Dedo II. nepos Dedonis I. Comitis; vide Chron. Mont. Seren. p. 39. & 202. Imo Dedonis II. pater Theodericus licet non plenariam Marchionis Luficensis dignitatem, tamen ejusdem Marchiæ administrationem videtur habuisse ac ideo Comes Orientalium dictus fuisse, ut infra in titulis videbimus. Quamvis enim dignitates illæ tunc temporis non essent mere hæreditariæ, solebat tamen respectus haberi consanguinitatis. Perinde autem, ut Familia Theoderici Ducis a Budfco castello Budfecia appellabatur; ita Ditmari March. Luf. nominabatur aut ab antiquo Geronis Ducis & March. castello Osterburg, apud Gernrode sito, in ditione Anhaltina, aut a civitate Osterburg veteris Marchiæ, Osterburgensis; sic enim exprimitur per diploma Ottonis I. Imp. datum V. Calend. Aug. a. 952. VValebusa, Geroni March. & Duc. ap. Meibomium Tom. I. p. 744. & Entzelt in Chronico Vet. March. p. 88. ibi enim: quod est situm in pago Zermund in Comitatu Theomari Civitatis Osterburgensis &c. quæ saltem illustrationis causa hic apponere volui. Hæc satis sint de Theoderici nostri Ducis Saxonia atque Tribus vel Familie Budfca origine.

Jam de posteris Theoderici agendum erit; Cumque maximam confusionem scriptores recentiores Albinus, Pecenseinius, Fabricius, aliique commiserint in attribuendis Titulis vel Characteribus cujusque, dum conjecturis non satis firmis nixi fuerint, ita, ut sæpissime ac peslime historia obscuretur; nunc hic curabimus, certiora

ex diplomatibus Imperatorum, Marchionum, Comitum, &c. aut saltem ex scriptoribus coëvis & fidei probatæ, qui instar diplomatum sunt, proferre. Numeri hic præfixi cuilibet personæ, se referunt ad Tabulam Genealogicam, quam illustrationis ac perspicuitatis gratia addidi supra.

n. 1. THEODERICVS † c. a. 975.

Hic ab Ottone I. Imp. in diplomate quodam dato Mamaconi Comiti, Quidelinburgi, IX. Kal. Maji a. 966. dicitur *Theodericus Comes noster fidelis*; ap. Meibomium Tom. I. Script. German. p. 750. *Theodericus Comes*, appellatur ibid. *Dux* celebratur, perinde ut Hermannus Billungus, non solum in Chronico Ditmari Merseb. Episc. Lib. II. c. a. 953. verum etiam ab ipso Ottone I. Imperatore in literis suis ad Duces & Præfectos Saxonie (ut VVitichindus Annal. Lib. III. explicat) datis in Campania juxta Capuam, XV. Kal. Febr. a. 968. VVitichindus loc. cit. eum *Ducem Saxonie* nominat; Autor vero appendicis ad Chronicon Montis fereni *Egregia libertatis virum* eundem prædicat.

n. 2. DEDO, interfect. a. 1009.

Theoderici Ducis filius, v. Ditmarus Lib. VI. p. 388. Tom. I. Scriptor. Brunsvic. Leibnitii. *Comes* dicitur ibidem, qui Comitatum Bionis *Comitis Merseburgensis* mortui adeptus est; erat ille Comitatus inter VVipperam, Salam, Saltam & VVillerbeck fluvios situs, vid. l. c. Interfectus est *Dedo* a VVernizone Marchione; uxorem vero habuit *Thiebergam* filiam Theoderici March. v. l. c. & Append. Chronici Montis fereni.

n. 3. FRIDERICVS † 1017.

Dedonis frater; *Comes*, qui habuit *Comitatum ac civitatem Ileburg* ac potestatem super pagum *Seusfelix*, v. Ditmarum Lib. VI. p. 388. Lib. VII. p. 412.

n. 4. THEODERICVS interf. a. 1034.

Dedonis filius; v. Ditmarus Lib. VI. p. 388. Dictus *Comes Orientalium* ab autore Annal. Hildesh. a. a. 1034. Non solum enim Comitatum patris a Rege Henrico II. accepit, sed etiam comitatum

patrui Friderici de *Ileburg*; imo suscepit administrationem *Lusicensis Marchie*, vacuæ ex Odonis March. morte; vid. loc. cit. conf. n. 7. infr. Habuit Theodericus uxorem *Matbilden* filiam Eckardi March. Orient. v. Append. Chronici Montis sereni. Occisus vero est a militibus Eckardi March. Iun. vid. Annal. Hildesh. a. a. 1034.

n. 5. FRIDERICVS.

Theoderici II. filius, *Propositus Majoris Ecclesie Magdeburgensis*, postea *Archiepiscopus Magdeb.* vide Append. Chron. Mont. Ser.

n. 6. DEDO † 1075.

Friderici frater, Theoderici II. filius, cujus dignitatem honoris obtinuit; v. Annal. Hildesheim. a. a. 1034. dictus ibidem *Comes Dadi* a. a. 1035. *Marchio Dedo* testis allegatur in diplomate, dato Gosecensi monasterio III. Kal. Octobr. 1053. ab Adelberto Bremenſi Archiepiscopo; vide Chronicon Gosecens. *Marchionem Saxonicum Dedonem* dicit Lambertus Schafnab. a. a. 1069. Scilicet acceperat Marchiam Hodonis vel Odonis March. *Lusatia* v. Append. Chron. Mont. Ser. Iplius conjux fuit primum *Oda*, vidua VVilhelmi Thuring. Prætoris, v. Annal. Hildesh. a. a. 1034. ex qua genuit *Dedonem*, circa a. 1069. insidiis interfectum; Secunda uxor illius fuit *Adela* vidua Ottonis Marchionis de Orlamunde, v. Lamb. Schafn. a. a. 1069. cum qua habuit filium etiam Dedonem appellatum, v. Lamb. Schafnab. a. a. 1075. conf. Append. Chronici Mont. Ser. Mortuus est denique Dedo Marchio a. 1075. v. l. c.

n. 7. HENRICVS I. † 1104.

Hic non filius Dedonis March. antecedentis est, prout putat Auctor appendicis Chronici Mont. Ser. confundens simul eundem Henricum cum Henrico Crasso, filio Ottonis de Northeim, Ducis, ideoque eidem nostro Henrico tribuens uxorem Gertrudem de Brunſvig, quæ Henrici Crassi uxor erat. At Henricus noster fuit Dedonis Marchionis frater, ut clarissime patet ex Conradi March. Misn. diplomate monasterio Gerbstadensi dato V. Calend. Dec. anno MCLIV. vel MCLV. anno Imperii Friderici I. primo; apud Bec-

Becmannum in Accession. hist. Anhalt. p. 612. (ubi quidem minus, quam recte ponitur annus dati diplomatis MCXXXV. quippe quo nondum regnavit Imperator Fridericus I. nec testis adscriptus Gerungus fuit Episcopus Misnensis; ille enim a. 1154. vel 1155. coronatus est; hic vero a. 1154. factus est Episcopus Misn.) In dicto diplomate Conradus March. Misn. filius Themonis Comitis de VVe-thin Henricum nostrum Marchionem patrum suum ac fratrem Dedonis March. nominat; Ipsa proferam verba diplomatis: *Pie recordans Pater noster Themo Comes de VVetbin, consensu fratrum suorum Dedonis Marchionis, Henrici Marchionis, Geronis, Conradi, Comitum &c.* Hoc loco *Marchio* dicitur etiam, perinde, ut jam antea in alio diplomate Imper. Henrici III. quod dedit cuidam *Vitio* militi *VVigberti* Comit. Groitsch. de villa Scorlup & burgwardo Scölen anno 1097. ap. Dn. de Ludewig T. II. Reliqu. MSCtorum; Et in alio dipl. Gosceciensi monasterio dato ab Imper. Henrico IV. 2. Idus Iunii in Quidelinburg, anno 1085. ap. Autorem libelli de Fundatione Gosceci. Monast. *Henricum Marchionem Misnensem* habet Autor Libelli de Fundat. cœnobii Bigaug. ante annum 1078. *Marchionem de Ileburg seniore* Autor Chronici Montis sereni a. a. 1126. *Henricum de Ilburg Marchionem* Chronograph. Saxo a. a. 1104. ap. Leibnitium Tom. I. Rer. Germ. in 4. *Marchionem de Hileburg* Appendix Chronici Mont. ser. Mortuus est a. 1104. v. Chronograph. Saxo, a. a. 1104.

n. 8. HENRICVS II. † 1127.

Filius Henrici antecedentis erat; cæterum *Marchio Misnensis & etiam de Ilburg* dicebatur, v. Chronicon Mont. sereni a. a. 1126. Moriebatur a. 1127. vide l. c.

n. 9. THIEMO.

Henrici I. (sub n. 8.) March. Misn. erat frater, Theoderici filius, ut patet ex diplomate Conradi March. Misn. dato Gerbstadensi Monasterio V. Kal. Decembr. a. 1154. vel 1155. supra n. 8. allegatum, in quo etiam dicitur *Themo Comes de VVetbin.* In alio documento d. a. 1053. Libelli de Fundatione Gosceci. Monasterii re-

peritur *Themo Comes de Brene*; Sic enim ibi pro *Vemo* legendum est. Vxorem habuit *Idam* filiam Ottonis de Northeim Ducis, v. Append. Chronici Mont. Ser.

n. 10. GERO.

Thiemonis superioris frater; *Comes* dicebatur in diplomate illo Conradi March. Misn. d. a. 1154. vel 1155. sub n. 8. & 10. allegato: at in alio de a. 1053. apud Autorem libelli de fundatione Gossecensis monast. appellatur *Comes de Brene*. Cum uxore *Berta* genuit 1. *Tidericum Comitem* in Append. Chronici Mont. ser. & *Comitem de Saxonia* in Annal. Hildesheim. a. a. 1104. nominatum; 2. *Vilhelmum Comitem de Camburg* in Libello de Fundat. monast. Gossec. post a. 1088. dictum; 3. *Guntberum Episcopum Zeicensem*. Vid. Append. Chronici M. S.

n. 11. CONRADVS.

Etiā frater Thiemonis Com. de VVethin; *Comes* dictus in sepius allegato diplomate d. a. 1154. vel 1155. Conradi March. Misn.

n. 12. RIDDAGVS.

Thiemonis illius frater, qui ultimo loco nominatur in Append. Chronici M. S.

n. 13. DEDO † 1124.

Thiemonis Com. de VVethin filius; *Comes* dictus in Chronico Mont. ser. a. a. 1124.

n. 14. CONRADVS † 1156. *Magnus*.

Thiemonis Comititis de VVethin filius; vide ipsius Conradi M. diploma d. a. 1154. vel seq. monasterio Gerbstadensi, quod in terris Mannsfeldicis situm, datum. Dicitur *Comes* in Chronico Mont. S. a. a. 1127. *Comes de Saxonia* in Libello de Fund. cœnobii Bigaug. a. a. 1123. *Comes de VVethin* in Chronico M. S. a. a. 1175. *Marchio* in diplomate quodam d. a. 1129. ap. Maderum, Antiquit. Brunsvic. *Marchio de VVethin* in diplomate Imp. Conradi III. d. Francofurti a. 1147. ap. Tolnerum Cod. dipl. Palat. *Conradus divina favente clementia Mar-*

*Marchio Misnensis* incipit ipsius diploma Gerbstadense d. a. 1154. vel seq. *Marchio Misnensis & Orientalis* est in Chronico M. S. a. a. 1143. *Marchio de VVittin post de Misna & Luzane* habetur in libello de Fundat. cœnobii Bigaug. a. a. 1189. Marchiam enim Lusicensē, quæ etiam Orientalis dicebatur, ipsi concessit Imperator Lotharius v. Chronicon M. Ser. & illius Append. *Nobilis ac dilectus filius noster Conradus Marchio* sunt verba Bullæ Gerbstadensi monasterio datæ ab Innocentio II. Pontif. a. 1137. ap. Becmannum, Accession. Histor. Anhalt. *Conradus Comes Misnensis* denique scribitur, nescio an ex industria Autoris, an ex negligentia describentis, in Chronico M. S. a. a. 1143. Moritur Conradus a. 1156. vid. l. c. a. a. 1156. A recentioribus scriptoribus dicitur *Magnus* cognomine.

n. 15. OTTO † 1189. *Dives*.

Conradi March. Misn. filius; ita enim in diplomate monast. Portensis d. a. 1140. ab Episcopo Numburg. super concambio Smolnensi, ap. Pertuchium, Chronic. Port. testes inveniuntur: *Conradus Marchio & Otto Marchio filius ejus*. In Helmoldi Chronico Slavor. a. a. 1166. legitur *Otto Marchio de Camburg*; in Libello de Fundat. cœnobii Bigaug. a. a. 1177. est *Marchio de Misna*; in diplomate Imper. Friderici I. super concambio Smolnensi d. VII. Idus Octobr. a. 1180. Aldenburghi, ap. Pertuchium l. c. scribitur *Otto Marchio Misnensis*. Moriebatur a. 1189. vid. Libellum de Fund. Cœnob. Bigaug. Recentiores *Ottonem Divitem* appellant.

n. 16. THEODERICVS † 1184.

Conradi M. Misn. filius secundus, *Marchio Orientalis* v. Chronicon M. S. a. a. 1184. *Marchio de Landsberg*, testis in diplomate Imper. Fridericus I. dato Portensibus super concambio Smolnensi a. 1180. Hic Theodericus primus omnium est, qui se Marchionem de Landsberg scripsit, quippe qui construxit castrum in Marchia sua Orientali *Landsberg*, cujus rudera adhuc extant hodie non procul ab Hala Saxonum, conf. Chronicon M. Ser. a. a. 1184. *Theodericus Marchio de Lusiz* exstat testis in Imp. Friderici I. diplomate d. Idibus April. a. 1180. in solenni curia in Gelnhausen super parte Ducatus

VVestphalici Archiepiscopo Colon. attributa. Filium genuit *Conradum Comitem*, sed ante patris mortem a. 1175. in torneamentis occisum, v. Chronicon M. S.

n. 17. DEDO † 1190.

Conradi Marchionis filius tertius; *Comes de Rochliz*, v. Chronicon M. S. a. a. 1156. *Comes de Groiz* vel *Gryze*; v. diploma Imp. Friderici I. de Ducatus VVestphaliæ parte Colonienſi Archiepiscopo data, scriptum in solenni curia in Gelnhausen a. 1180. Idibus April. & diploma Portenſi monasterio datum ab eod. Imperatore VII. Id. Octobr. 1180. Aldenburgi, super concambio Smolnensi. Theoderico fratre M. Orientali mortuo, dicitur *Dedo Marchio* v. Chronicon M. S. a. a. 1188. & *Marchio Orientalis* v. ibid. a. a. 1190. ac in diplomate Imp. Friderici I. Lubecensibus dato a. 1188. apud castrum Lizenick; in Dn. Lunigii Arch. Imper. Part. Spec. sub Civit. Imper.

n. 18. HENRICVS † 1181.

Conradi Marchionis filius quartus; *Comes de VVitin*, vid. Chronicon M. S. a. a. 1181. & Append. it. diploma ap. Maderum, Antiq. Brunſvic. d. a. 1157. pag. 20. Sator fuit *Comitum de VVetin*, quorum stirps deſiit in *Henrico puero* a. 1217. conf. Chron. M. S.

n. 19. FRIDERICVS † 1181.

Conradi March. filius natu minimus; *Comes de Brene* vel *Brenen*, vide diploma Imp. Friderici I. datum Portensibus monachis a. 1180. jam supra alleg. & Chronicon M. S. a. a. 1181. Sator fuit familiæ *Comitum de Brene*, quæ in *Ottone juvene* a. 1190. extincta est. Horum cum omnium idem Titulus fuerit, huc referre singulos nolui, præsertim cum illorum & Comitum de VVetin seriem in Tabula Genealogica præfixa annotaverim.

n. 20. ALBERTVS † 1195.

Ottonis March. Misn. filius, v. Chronicon Montis Ser. a. a. 1188. ubi etiam *Marchio* dicitur a. a. 1194. *Marchionis vero Misnensis* titulo ipse usus est testis in diplomate Henrici VI. Imp. dato super



per Ecclesiam in Zwickau, monasterio Bosaugienſi a. 1191. apud P. Langium, Chron. Citizenſi. Moritur improlis a. 1195. v. Chronicon Mont. S.

n. 21. THEODERICVS † 1220.

Alberti ſuperioris, M. Miſn. frater ; Comes dictus in Chronico Montis ſereni a. a. 1188. & 1197. item *Comes de VVizenfels* ibid. a. a. 1194. Mortuo autem fratre Alberto, cum obtinuiffet illius terras, appellatus eſt *Marchio Miſnenſis* ; vide diploma Imp. Ottonis IV. d. a. 1209. apud Meibomium, Script. Rer. Germ. Tom. III. p. 162. *Marchio de Miſna* eſt in diplomate monaſterii Portenſis ab eodem Imperatore dat. VII. Cal. Ianuar. in partibus Spoletanis apud Interamnem a. 1209. vid. Pertuchius, Chron. Portenſ. Dicitur etiam *Tidericus Marchio Miſnenſis & Orientalis* a. 1214. in diplomate Imp. Friderici II. apud P. Langium Chron. Citizenſi ; Et *Marchio Miſnenſis & Orientalis* in diplomate conventionis ejus cum Imp. Ottonne IV. d. a. 1212. apud Maderum, Antiquit. Brunſvic. Redemit enim marchiam *Orientelem* ſive *Lufatia*, mortuo cognato ſuo Conrado, ab Imperatore X. millibus marcarum argent. v. Chronicon Mont. Ser. a. a. 1210. Moritur Theodericus a. 1220. v. loc. cit. a. a. 1220.

n. 22. CONRADVS † 1210.

Dedonis Marchionis Orientalis filius ; conf. n. 18. ſupr. Appellatur *Marchio Orientalis* in Chronico Mont. S. a. a. 1190. & in Diplomate d. a. 1199. apud Dn. Hofmannum, Script. Luſatiz, Append. *Marchio de Landsberg* in diplomate d. a. 1192. apud P. Langium, Chron. Citizenſi. & in alio d. a. 1209. ap. Tolnerum Cod. diplomat. Palat. *Marchio* ſimpliciter dicitur in diplomate d. a. 1190. apud P. Langium Chron. Citiz. *Conrad von Gotis Gnaden, Markgrave in dem Oſtirlande* eſt in verſione diplomatis Dobrilac. d. a. 1199. apud Dn. de Ludewig Tom. I. Reliq. Mſcutorum, pag. 207. Pro an. 1299. enim, qui ibidem ſcriptus, annus 1199. ponendus eſt, quemadmodum Chronologia id poſtulat. Mortuus eſt Conradus a. 1210. v. Chron. M. Ser.

n. 23. THEODERICVS † 1207.

Conradi March. frater, *Comes de Sumerschenburg* v. Chronicon

nicon M. a. a. 1190. *Comes de Summerschenburg, qui etiam de Groitz dictus*, vid. loc. cit. a. a. 1223. Mater enim ipsius fuit Mathildis, filia Adelheidis Summerscheburgicæ Palat. cujus Pater erat Fridericus Com. Palat. Saxon. Castrum Groitz vero acciperat Theodericus noster a patre suo Dedone, de quo sub n. 18. actum est. *Comes* dicitur simpliciter in diplomate quodam d. a. 1190. apud P. Langium Chron. Citiz. *Theodericus de Greuch comes* invenitur Testis in confœderatione Reg. Rom. Philippi cum Reg. Gall. Philippo Aug. inita a. 1198. VVormatiæ III. Kal. Jul. apud Leibnitium, Codice Diplom. Juris Gent. P. I. Moriebatur improlis a. 1207. v. Chronicon M. S.

n. 24. HENRICVS † 1288. *Illustris.*

Theoderici Marchionis Misnensis & Orient. filius, conf. n. 22. Theodericus Pater inceperat titulos coacervare, eum secutus est filius Henricus, ita, ut non duobus tantum contentus esset, sed pluribus simul uteretur; Hinc *Henricus Misne & Orientalis Marchio, Thuringie Landgravius & Saxonie Comes Palatinus* est in diplomate d. a. 1230. apud Dn. Struvium Diss. de Comitibus Palat. Sax. *Nos Henricus Dei Gratia Misnensis & Orientalis Marchio, Thuringia Landgravius, Saxonie Comes Palatinus & Terra Plisnensis Dominus* habet diploma ipsius d. a. 1246. apud Dn. Schlegelium Diss. de numis Icenac. it. diplomata duo, alterum d. a. 1253. alterum d. a. 1253. alterum d. a. 1256. apud Dn. Struvium l. c. Thuringiam ac Comitatum Palat. Saxon. sibi vindicavit Henricus noster tum jure matris ex Thuringico sanguine ortæ, tum jure expectativæ ipsi ab Imperatore Friderico II. a. 1242. concessæ, eorumque Titulos jam ante mortem ultimi Landgravii Thur. Henrici Rasp. gessit, quippe qui a. 1247. vita defunctus est; quod contra illos notandum, qui, ut Misnensium jus in Thuringiam suspectum reddant, illud a nostro Henrico March. primo neglectum asserunt; Plisnensem terram vero jure oppignorationis Imperatoriæ accepit. *Misnensis & Orientalis Marchio* vocatur in diplomate d. a. 1289. apud Dn. Hofmannum Script. Lusat. Append. & in diplomatibus d. a. 1271. & 1283. apud VVeckium Descript. Dresdæ, p. 470. *Wir Heinrich von Gottes Gnaden zu Meissen und im Osterland Marggrav* est in diplomate d. a. 1285. loc. cit. p. 471. *Dile-*

*Dilectus Pater noster Dominus Henricus Marchio Misnensis* dicitur a filio Theoderico March. Landsbergenſi in diplomate Iſenbergenſi monaſterio dato II. Idus Febr. a. 1266. in Groitz apud Dn. Struvium, Præfat. ad M. Mageri a Schönberg Tract. de Advocacia armata. *Illuſtriſſimus Princeps & Orientalis Marchio* appellatur a nepote ſuo Theoderico juniore ſ. Diezmanno in diplomate d. a. 1289. apud Dn. Hofmannum in Script. Luſat. Append. p. 175. Vulgo *Henricus illuſtris* vocatur; moriebatur a. 1288. v. Sigfrid. Presb. conferatur tamen Dn. Schlegelii Diff. de Cella vet. p. 60.

n. 25. ALBERTVS † 1314. *Degener.*

Henrici illuſtris filius, Sifrid. Presb. a. a. 1231. *Thuringorum Landgravius & Saxonia Comes Palatinus*, vide diploma apud Dn. Rudolphi, Gotha diplom. Part. V. *Thuringorum Landgravius & Dux, Saxonia Comes Palatinus*, v. diploma d. a. 1292. in Peiferi Lipſia. *Thuringorum Landgravius, Saxonia Comes Palatinus, Miſnensis & Orientalis Marchio* a. 1288. ac *Thuringie Landgravius Senior* a. 1300. ab Abbate Reinhardbrunn. dictus, ut alicubi annotavit Hortlederus. Cum conjuge Margaretha Imperatoris Friderici II. filia genuit Henticum, Fridericum & Dietericum v. Sifrid. Presb. a. a. 1231. Vulgo *Albertus degener* nominatur.

n. 26. THEODERICVS † 1285.

Henrici illuſtris frater, Sifrid. Presb. a. a. 1231. *Marchio de Landsberg* a. 1267. in diplomate apud Dn. Schlegelium, Diff. de Cella vet. p. 50. *Nos Theodericus Dei gratia Marchio de Landesberc* a. 1267. in diplomate apud Dn. Schlegelium, Diff. de Cella ect. p. 50. *Nos Theodericus Dei gratia Marchio de Landesberc* a. 1266. in diplomate ejusd. dato in Groitsch, II. Idus Febr. monaſterio Iſenberg. apud Dn. Struvium, in Præf. ad M. Mageri a Schönberg Tr. de Advocacia armata.

n. 27. FRIDERICVS † 1316. *Parvus.*

Henrici illuſtris filius; *Ego Fridericus Dei gratia, Miſnensis & Orientalis Marchio, Princeps & Hares terra Luſatia, Magnifici quondam*

*dam Domini Henrici, Mifn. & Orient. March. junior filius est in ip-  
sius diplomate d. a. 1289. menf. Febr. apud Dn. Hofmannum Script.  
Lufat. Introduct. p. 30. & Append. p. 179. Nos Fridericus Dei gratia  
junior, filius illustris Principis Domini Henrici quondam Mifnensis &  
Orient. March. bone memoria, Dominus civitatis & territorii Dres-  
den, in diplomate ipsius d. a. 1292. apud VVeckium Descript. Dres-  
dæ. Illustris Fridericus Mifnensis & Orientalis Marchio, Hares terra  
Lufatie, illustris quondam Henrici Marchionis Mifnensis junior filius,  
Fidelis noster dilectus a. 1289. m. Martio dicitur in diplomate Imp.  
Rudolphi I. apud Dn. Hofmannum Script. Lufat. Append. Frideri-  
cus Dei Gratia Mifnia nostra Orientis Marchio in diplomate d. a. 1303.  
apud Hermannum, Midweid. Denckmahl p. 244. Fridericus D. S.  
Marchio de Dresden a. 1311. in diplomate apud VVeckium, Descript.  
Dresd. Dominus de Dresden in diplomate monasterii Nimpzfch apud  
Hortlederum in Schedis. Vulgo *Parvus* est dictus Germanice *der  
Kleine*; hinc male *rigorofus* vel *der Klemme* dicitur.*

n. 28. HENRICVS † c. a. 1299.

Alberti degeneris filius; ex Margaretha filia Friderici II. Imp.  
vid. Sifrid. Presb. a. a. 1231. Hinc feipfum appellat in diplomate fuo  
d. a. 1273. apud Dn. Schlegelium Diff. de Cella vet. *Henricum, Do-  
mini Alberti, Thuringia Landgravii, filium*; Anno 1282. dicitur *Land-  
gravius de Altenburg*, ut Hortlederus habet in Schedis suis. Vxo-  
rem duxit Hedwigem Duc. Silef. ex qua genuit *Fridericum Aneland*  
dictum (vid. Scripturam vet. ex cœnobio Cellæ vet. apud Dn. Schle-  
gelium Diff. de Cella vet. p. 73. & 69.) mortuum c. a. 1315.

n. 29. FRIDERICVS, a. 1323. *Admorfus*.

Henrici superioris frater, & Alberti degen. filius; qui feipfum  
in diplomate monasterio Isenberg. dato a. 1282. nominat: *Frideri-  
cum Dei Gratia Thuringia Landgravii filium & Saxonie Comitem Pa-  
latinum. Fridericus D. G. Comes Palatinus Saxonie* est in diplomate  
d. a. 1284. XV. Kal. Junii, Erfurdæ, apud Dn. Lunigium, Archiv.  
Imper. Part. Spec. *Nos Fridericus D. G. Thuringia Landgravius &  
Saxonie Comes Palatinus* est in diplomate d. a. 1289. XI. Cal. April.  
Erfur-

**Erfurdia**, ab Alberto ejusque filiis dato, apud Dn. Struvium; Diff. de Comit. Pal. Sax. *Fridericus Misnensis & Orientalis Marchio, Palatinus comes Saxonia*, habetur in diplomate d. a. 1291. dato Fribergensibus adud Mollerum, Annal. Fribergens. Nos *Fridericus D. G. Marchio Misnensis*, in diplomate d. a. 1303. apud Sagittarium, Histor. Goth. p. 105. *Friderich von Gottes Gnaden, Marggrav zu Meissen und Osterland, und Pfalzgrav zu Sachsen*, v. diploma d. a. 1292. apud Heinium, Descript. Rochlic. Nos *Fridericus D. G. Thuringie Landgravius, Misnensis & Orientalis Marchio, Dominusque terra Plisnensis* in diplomate d. a. 1294. dat. Isenaci, apud Peccensteinium Theatr. Saxon. *Friderich von Gottes Gnaden Landgrav zu Thüringen, Marggrav zu Meissen und in dem Osterland*, in diplomate ipsius d. a. 1308. ubi confirmat Privilegia Isenacensium. Denique in quodam diplomate castellani sui in Grymmenstein d. a. 1316. apud Sagittarium, Histor. Goth. p. 108. legitur: *Illustris Princeps Dominus Fridericus Marchio Misnensis ac terra Thuringia Landgravius*. Tanta est varietas in *Friderici* vulgo *Admors* dicti Titulis; nec tamen minor in fratris ejus *Theoderici*, ut nunc videbimus.

n. 30. THEODERICVS † 1307.

Anno 1289. in diplomate d. d. Luckovv, m. Jun. apud Dn. Hofmannum, Script. Lusat. Append. se dicit: *Theodericus Dei Gratia junior* (scil. respectu patris sui *Theoderici March. de Landsberg*) *Landgravius Thuringorum, Orientalis & Lusatiae Marchio, Dominusque terra Plisnensis*; Nos *Theodericus D. G. Thuringie Landgravius ac Dominus terra Plisnensis* est in diplomate Alberti filiorumque, dato a. 1289. XI. Kal. April. Erfurdia, apud Dn. Struvium, Diff. de Comit. Pal. Sax. *Wir Dierich von Gotis Gnaden der junge, Langrave zu Döringen und Margrave in dem Ostirlande und zu Lufitz*, v. diploma d. a. 1294. apud Dn. Rudolphi, Gotha Dipl. Part. II. c. 31. *Theodericus D. G. junior, Thuringorum Landgravius ac Marchio Lusatiae*, v. diploma d. a. 1295. die Magdalenz, in Gubyn, apud Dn. de Ludevigg, Reliq. MSCtorum, Tom. I. Nos *Theodericus D. G. Thuring. Landgr. Orientalis & Lusatiae Marchio*, vid. diplomata d. a. 1295. & 1297. apud Dn. Hofmannum l. c. *Theodericus junior, Thuringia Land-*

*Landgravius, Orient. & Lusatia Marchio*, v. diploma d. a. 1302. apud Sagittarium, Hist. Goth.

n. 31. ALBERTVS † *Apez.*

Alberti degeneris filius ex Kunigunda de Isenberg natus; *Albertus junior, Landgravius* in diplomatis sui sigillo scribitur a. 1290. apud Dn. Rudolphi, Goth. diplom. Part. V. Append. *Nos Albertus Dei gratia Landgravius Thuringie Junior*; in ipsius diplomatibus dictis monasterio S. Crucis apud Gotham a. 1296. & 1297. ap. Tenzelium, Supplem. II. Goth. Hist. p. 98. seqq. Vulgo *Apez* dicitur.

n. 32. FRIDERICVS † 1291. *Tutte.*

Erat filius Theoderici March. de Landsberg sub n. 27. Hinc & ipse dictus *Marchio de Landesberg* in diplomate d. a. 1285. apud Dn. Hofmannum l. c. *Marchio Misnensis & Orientalis & de Landesberg* appellatur in diplomate d. a. 1289. apud P. Langium, Chronic. Citiz. *Fridericus Misnensis Marchio, bona memoria, patruus noster* dicitur ab Alberto de genere in diplomate d. a. 1292. apud Peiferum, Lipsia. *Marchionem Misnensem* cum vocant Additiones ad Lambert. Schafnab. apud Pistor. a. a. 1290. Cognominatur *Tutte* vel *Tent.*

n. 33. FRIDERICVS † 1349. *Gravis.*

Friderici admorsii filius; *Fridericus junior D. G. Thuringorum Landgravius, Misnensis & Orient. Marchio, Dominusque terra Plisnensis*, in diplomate ipsius dato monialibus S. Nic. in Isenach. anno 1323. apud Paullini, Annal. Isenac. *Nos Fridericus D. G. Thuringia Landgravius, Misn. & Orient. Marchio, Dominusque terra Plisnensis*, in diplomate sub dato d. Polycarpi martyr. an. 1338. apud VVeckium, Descript. Dresd. *Wir Friderich von Gottes Gnaden, Lantgrav ze Düringen, Marggrav ze Myhsen, und in dem Osterland, und Herre des Landes ze Plynßen*, in diplom. confœderationis cum Abbate Fuldensi, d. Francofurti, die Domin. Voc. jucunditatis a. 1338. apud Dn. Struvium, Archiv. Hist. & Polit. *Nos Elyfabet D. G. Thur. Landgr. Misnens. & Orient. March. Dominaque terra Plisnensis,*

*sis, & Nos Fridericus eadem gratia junior, item Thuringia Landgravius*, in diplom. d. VVartburgi, a. Dni MCCC. vigesimo tertio in vigilia B. Martini Episcopi, apud Dn. Rudolphi, Gotha diplom. *Illustri Princeps Fridericus, Marchio Myssen. Gener carissimus* dicitur in Ludovici Imper. diplomate Confirmationis omnium Iurium ac Privilegiorum præcessoribus Friderici acquisitorum, d. Romæ 27. Mart. a. 1328. l. c. *Illustri Fridericus Landgravius Thuringia, Misnens. & Orient. terrarum Marchio, Dominusque Plisnens. Gener noster carissimus* ab eodem Imperatore dicitur in diplomate d. a. 1330. de Judæis Friderico concessio, loc. cit. *Gravis vel Acer* vulgo dicitur.

n. 34. FRIDERICVS † 1381. *Strenuus.*

Friderici Gravis filius; se scribit: *Nos Fridericus D. G. Thuringorum Landgravius, Misnensis, Orientalis & in Landsberg Marchio, Comes in Orlamunde, dominusque terra Plisnensis*; in diplomate dato Dobrilucensi monasterio a. 1364. Dresdæ proxima 4. Feria ante Assumptionem Mariæ Virg. glor. apud Dn. de Ludwig, Reliq. MSCtorum Tom. I. Auxit enim suas ditiones emptione *Principatus ac Marchia in Landsberg* circa anno 1352. & *Comitatus Orlamundani* c. a. 1342. facta. Vna cum fratribus ab Imperatore Carolo IV. dicitur in diplomate super Palatinatum Lauchstet. des nechsten Dornstags nach Invocavit a. 1350. *Die Hochgebohrne Friderich, Balbasar, Ludwig und Wilbelm gebrüdere, Landgraven tzu Döringen, Marggraven tzu Meissen, in dem Osterlande und tzu Landsberg, Graven tzu Orlamünde, und Herrn des Landes tzu Physen, unsere liebe Oebeime und Fürsten.* Sic in diplomate quodam Dobrilucensi d. anno 1358. est: *Wir Friderich und Balbasar von Gotis Gnaden, Landgraven zu Döringen, Marggr. zu Meissen, in dem Ostirlande und Landsberg, Graven zu Orlamünde und Herrn des Landes zu Pleissen.* Eodem modo se scribunt *Fridericus, Balbasarus & VVilhelmus* fratres in diplomate d. a. 1368. VVartburgi am Pfingst - Dienstag Germanice promulgato; ac in diplomate dato super curiam Fürstensee monasterio in Altenburg, dominica Judica, an-

no 1367. Gothæ Latine edito. Cæterum Fridericus *Strenuus* communiter vocatur.

n. 35. BALTHASAR. † 1406.

Friderici Gravis frater; Scribitur: *Der hochgebohrne Balthasar, Landgrave zu Düringen und Margrave zu Meissen, unser lieber Oheim und Fürst*, in diplomate Imperatoris Caroli IV. quo ipsum infeudat Norimbergæ, Sontags vor S. Gallen a. 1383. Cum fratre & fratris alterius filii se nominat: *VVir Balthasar und VWilhelm, Fridrich, VWilhelm und Jürge von Got. Gnaden, Landgraven in Düringen, Marggraven zu Meissen, in dem Ostirlande und zu Landisberg, Graven zu Orlamunde und Herrn des Landes zu Plizen*; in diplomate divisionis hæreditariæ eorum d. Kernitz am Donnersdag, S. Briccii dage, a. 1382. *Balthasar, VWilhelmus, Fridericus, VWilhelmus, & Fridericus natus præfati Balthasar, D. G. Marchiones Misn. Thur. Landgr. & Comites Saxonia Palatini*, v. diploma permutationis cujusdam zwischen denen Marggraven zu Meissen und dem Bischof Tymone daselbst, d. a. 1404. apud VVeckium Descript. Dresd.

n. 36. LVDOVICVS † 1381.

Vid. sub n. 34.

n. 37. VVILHELMVS † 1407. *Cocles*.

Frater erat Friderici Strenui, Balthasari & Ludovici. *VVir VWilhelm von Gotis Gnaden, Margrave zu Meissen, Landgrave in Düringen und Pfalzgrave zu Sachsen*, v. diploma ab ipso, Rudolpho, Alberto atque VVenceslao Ducibus Sax. Germanice datum, concernens Abbatem Dobriluc. d. a. 1394. & diploma aliud d. a. 1403. apud Tenzelium, Supplemento hist. Goth. *Cocles* vulgo dicebatur *VWilhelmus*.

n. 38. FRIDERICVS † 1428. *Bellicosus*.

Friderici Strenui filius. Ab Imper. VVenceslao a. 1385. ipse & fratres appellantur: *Die Hochgebornen, Fridrich, VWilhelm und Geor-*



*George, Gebrüdere Landgraven in Düringen und Marggraven zu Meissen, unsere lieben Fürsten und Obeime, v. diploma VVenceslai Imp. ipsi datum, Pragæ, Montags vor V. Frauen Tage Liechtmels; apud Dn. Rudolphi, Gotha diplom. VVir Friderich und VWilhelm, Gebrüdere von Gotis Gnaden, Landgraven in Düringen, Margrav. zu Meissen und Pfalzgraven zu Sachsen, se dicunt in diplomate Comitibus Schvvarzburgicis dato a. 1408. apud Tenzelium, Supplem. Histor. Goth. Nos Fridericus Senior & VWilhelmus fratres Germani div. favente clementia Duringia Landgravii, Marchiones Misn. & Comites Palatini Saxonie, incipit diploma Institutionis Academiae Lipsientis d. a. 1409. apud Schneiderum, Chron. Lipf. VVir Friderich, VWilhelm und Fridrich, Gebrüdere und Gevettern, Landgraven in Düringen, Marggr. zu Meissen, habet ipforum diploma unionis cum Johanne Elect. Mogunt. Johanne, Episc. Herbipol. & Johanne Abbat. Hirschfeld. d. a. 1413. in die B. Petri ad vincula apud Dn. Struvium, in Archiv. Hist. & Polit. Balthasar, VWilhelmus, Fridericus, VWilhelmus, & Fridericus natus Balthasari, D. G. Marchiones Misnenses, Thur. Landgr. & Comites Palat. Saxonie, est in diplomate permutationis cujusd. inter Marchiones & Episcopum Misnenses d. a. 1404. apud VVeckium Descr. Dresd. Der hochgeborne Friderich, Landgrav in Thüringen und Marggrav zu Meissen der älter, unser lieber Oheim und Fürst, dicitur ab Imperatore Sigismundo in Litteris investit. super Ducatum & Electoratam Saxonie eidem datis Presburgi, in die Epiph. Domini, a. 1423. Der hochgeborne Friderich, Herzog zu Sachsen, des heiligen Römischen Reichs Erzmarchall, Landgrav in Thüringen und Marggrav zu Meissen, unser lieber Oheim und Churfürst, nominatur ab eodem Imp. Sigismundo in altero diplomate super Ducatum & Electoratam Saxonie Friderico Bellicoso concessum anno 1425. Budæ in die S. Petri ad vincula.*

SIC BVDA REDDIDIT FAMILIÆ BVDSICÆ DVCATVM SAXONIÆ, qui deinde semper permansit apud posteros Friderici Bellicosi Serenissimos.

n. 39. FRIDERICVS † 1440. Simplex.

Balthasari filius conf. n. 35. VVir Friderich von Gotis Gnaden,

den Landgrave in Döringen, Margrave zu Meissen und Pfalzgrave zu Sachsen, der jünger; v. diploma Senatui Gothano de teloniis concessio a. 1416. & aliud d. a. 1438. apud Tenzelium, Supplem. Hist. Gothanz. VVir Friderich von G. G. Landgrafe in Döring, und Margrave zu Meissen, der jünger, est in diplomate d. a. 1412. am Freytag nehist nach Reminiscere, apud VVeckium Descript. Dresd. Communiter Simplex vocabatur.

Vnicus Fridericus Bellicosus propagavit stemma, quod tamen hic recensere amplius nolo, dum apud Scriptores Saxonicos certiora nunc inveniantur, hinc actum agere non cogito.

